



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77 հեռ. 010 51-29-53 էլ. hawgt patrol-service@police.am

N 91/4954

<< 05 >> 04 2022թ.

Սմբատ Աթոյանին
Ք.Երևան Վ.Համբարձումյանի 16 շենք 4 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում 8180118322 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ որոշումը << 3 >> թերթ

Պետ,
ոստիկանության գնդապետ՝

Ա.Ումրշատյան

Կատ. Ս.Ավետյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 12.03.2022թ-ին կայացված 8180118322 որոշումն անփոփոխ, իսկ վարչական բողոքն առանց բավարարման թողնելու մասին

<< 04 >> 04 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Սմբատ Աթոյանի /Այսուհետ դիմող/ դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

12.03.2022թ. ժամը 18:20-ին Երևան քաղաքի Գայի պողոտայում քաղաքացի Սմբատ Աթոյանը <<Տոյոտա>> մակնիշի 70 SA 075 հաշվառման համարանիշի տրանսպորտային միջոցը վարել է ոչ սթափ վիճակում, ինչը հայտնաբերվել է ՀՀ ոստիկանության պարեկային ծառայության Երևան քաղաքի գնդի 4-րդ գումարտակի 3-րդ վաշտի պարեկ Գևորգ Բաբայանի կողմից: Ստուգումից պարզվել է, որ Սմբատ Աթոյանը տրանսպորտային միջոցը վարել է ոչ սթափ վիճակում, մասնավորապես՝ նրա արտաշնչած օդի մեջ մաքուր ալկոհոլի պարունակությունը կազմել է 0.562 մգ/լ /համաձայն Jupiter ալկոտեստեր N861729 ստուգաչափման սարքի թիվ 07018 զննման արձանագրության/:

Կազմվել է վարչական իրավախախտման վերաբերյալ արձանագրություն, որի հիման վրա կայացվել է թիվ 8180118322 որոշումը՝ Սմբատ Աթոյանին տրանսպորտային միջոցներ վարելու իրավունքից զրկելով մեկ տարի ժամկետով՝ համաձայն <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասի:

Դիմողն իր կողմից ներկայացված բողոքով խնդրել է բեկանել ՀՀ ոստիկանության պարեկային ծառայության ծառայողի կողմից կազմված թիվ 8180118322 որոշումն՝ այն պատճառաբանությամբ, որ ստուգաչափման ալկոտեստեր սարքը գտնվել է անսարք վիճակում:

Դիմողը վարչական լսման ժամանակ պնդել է իր բողոքը և հավելել, որ իր կողմից կատարված արարքում առկա են ՀՀ ՎԻՎ օրենսգրքի 126-րդ հոդվածի 1-ին մասով նախատեսված իրավախախտման հատկանիշներ:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 12.03.2022թ. կայացված թիվ 8180118322 որոշումը ենթակա է կատարման հետևյալ պատճառաբանությամբ.

<<Վարորդի սթափության վիճակի գննության կարգը, այդ գննության արձանագրության, ուղեգրի, գրանցման մատյանի ձևերը հաստատելու մասին>> ՀՀ կառավարության 2009 թվականի մարտի 19-ի N 277-Ն որոշման 4-րդ հավելվածի 2-րդ կետի համաձայն՝ վարորդի սթափության վիճակի գննությունն իրականացվում է տեխնիկական միջոցով վարորդի արտաշնչած օդի հետազոտության միջոցով՝ օդի փորձանմուշները վերցնելուց անմիջապես հետո:

Նույն որոշման 4-րդ հավելվածի 6-րդ կետի համաձայն վարորդի սթափության վիճակի գննության արդյունքում Վարչական իրավախախտումների վերաբերյալ Հայաստանի Հանրապետության օրենսգրքի 126-րդ հոդվածի 1-ին մասով նախատեսված վարչական

իրավախախտման վերաբերյալ արձանագրություն կազմվում է, եթե նրա արտաշնչած օդի մեջ մաքուր ալկոհոլի պարունակությունը գերազանցում է նույն հոդվածի 9-րդ մասով նախատեսված չափը 10 տոկոսով (0.23մգ/լ կամ ավելի է), իսկ Վարչական իրավախախտումների վերաբերյալ Հայաստանի Հանրապետության օրենսգրքի 126-րդ հոդվածի 2-րդ մասով նախատեսված վարչական իրավախախտման վերաբերյալ՝ եթե նրա արտաշնչած օդի մեջ մաքուր ալկոհոլի պարունակությունը գերազանցում է նույն հոդվածի 2-րդ մասով նախատեսված չափը 10 տոկոսով (0.56մգ/լ կամ ավելի է):

Համաձայն ՀՀ էկոնոմիկայի նախարարության <<Ստանդարտացման և չափագիտության ազգային մարմին>> ՓԲԸ-ի կողմից տրված NO61998 ստուգաչափման վկայականի՝ 861729 գործարանային համարի ալկոտեստերը ստուգաչափման է ենթարկվել 30.12.2021թ-ին, որը ուժի մեջ է մինչև 30.12.2022թ-ը:

ՎԻՎ օրենսգրքի 126-րդ հոդվածի 1-ին մասի համաձայն՝ տրանսպորտային միջոցները ոչ սթափ վիճակում վարելը, եթե վարորդը միայն ալկոհոլի ազդեցության տակ է, և զանցանքը չի պարունակում սույն հոդվածի երկրորդից հինգերորդ մասերի հատկանիշները՝ առաջացնում է տուգանքի նշանակում՝ սահմանված նվազագույն աշխատավարձի հարյուրհիսնապատիկի չափով:

<<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասը հստակ սահմանում է՝ տրանսպորտային միջոցները ոչ սթափ վիճակում վարելը, եթե վարորդի արյան մեկ լիտրի մեջ մաքուր ալկոհոլի պարունակությունը գերազանցում է 1 գրամը կամ եթե նրա մեկ լիտր արտաշնչած օդի մեջ մաքուր ալկոհոլի պարունակությունը գերազանցում է 0.5 միլիգրամը՝ առաջացնում է տրանսպորտային միջոցներ վարելու իրավունքից զրկում՝ մեկ տարի ժամկետով:

<<Ճանապարհային երթևեկության անվտանգության ապահովման մասին>> ՀՀ օրենքի 17-րդ հոդվածի 1-ին մասի <<ա>> կետի համաձայն՝ ճանապարհային երթևեկությունը կարգավորող ոստիկանության ծառայողը պարտավոր է սույն հոդվածի երրորդ մասով սահմանված կարգով ազդանշան տալով կանգնեցնել տրանսպորտային միջոցը, եթե՝ ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները:

Իսկ ինչ վերաբերվում է Սմբատ Աթոյանի կողմից հայտնաձայն հանգամանքին, որ իր կողմից թույլ տրված արարքը պարունակում է ՀՀ ՎԻՎ օրենսգրքի 126-րդ հոդվածի 1-ին մասով նախատեսված իրավախախտման հատկանիշներ, ապա վերջինիս արարքը նշյալ հոդվածով նախատեսված կլիներ, եթե նրա սթափության աստիճանը կազմեր մինչև 0.560 մգ/լ /հաշվի առնելով նաև սխալանքը/, սակայն նրա սթափության աստիճանը կազմել է 0.562 մգ/լ, ուստի Սմբատ Աթոյանի արարքում առկա են <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասի հատկանիշներ:

Ուսումնասիրելով գործում առկա ապացույցները և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 251-րդ հոդվածի պահանջով՝ պարզվել է, որ դիմողի արարքում առկա են <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 12.03.2022թ-ին կայացված 8180118322 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:

Պետ, ոստիկանության գնդապետ՝



Ա.Ումրշատյան